

No. 700. 1386. 13. Dec.

Friedrich von Maltitz bearkundet die ihm im Dorfe Jahna zustehenden Geldzinsen an das Capitel verkauft und den Kaufpreis empfangen zu haben.

Ich Fryderich von Malticz gesessen zcu Borssenicz bekenne offenlich vor mich myne brudere vnde geswestere vnd vor alle myne erben vnde tu kunt allen den dy disen brif sehn adir horen lesen, das ich mit wolbedachtem mute vnde mit gutem vorrate myner frunde recht vnde redlichen vorkouft habe czwelf schok czinses ane czwelf groschen, gelegen czu sente Gotharte in dem dorfe an der Gane mit sulchen rechten eren noczen fromen czugehorungen gerichtten, usgeschlossen das halsgerichte, vnde mit sulcher fryheit, als das myn elder vater vnde myn vatir gehabit hot, vnde an mich brocht hatten den got gnade, dy gesessen woren zcu Borssenicz, den erbern herren thumprobiste, thechant vnde dem ganczen capitteln des thumes czu Missen vor czwei hundirt schok grosschen Fryberger moncze, vnde dy selbin egnanten herren habin mich desselben geldis recht redlich gereyt vnde nuczlich wol beczalt, vnde ich sage sy ouch des selbin geldis vnde beczalunge quyt, ledig vnde loz myt dessem brife, vnde ich habe den selben herren das egnante gut mit gutem willen vor mynem genedigen herren dem byschofe czu Missen uf gelasen vnde en lasen eygen vnde lyhen, vnde habe dy selben egnanten herren in dy gewere der egnanten guter vnde luthe brocht vnde gesaczt, vnde habe en eyne gewere vorburget, als in dem lande recht ist, mit mynen frunden Hannus vnd Fryderich von Malticz gesessen czu dem Wyndischen Bor vnde Hannus von Malticz gesessen czu Keseberg, vnde Herman von Malticz gesessen czu Byberstein stete czu haldene eyn ior vnde tag, als gewonlich ist in dem lande. Nu globe wir den egnanten thumheren czu Missen, wir Hannus, Frederich von Malticz gesessen czum Wyndischen Bor, Hannus von Malticz gesessin czu Kesinberg, Herman von Malticz gesessen czu Biberstein eyne rechte lantwere, als in dem lande gewonlichen vnde recht ist, mit vnserm vetter Fryderich von Malticz czu Borssenicz gesessen, wer den egnanten thumhern vnde capittel dy egnanten gut an sprechen welde als recht ist, vnde haben des czu guter wissenschafft vnde geczugnis aller vnser insegil an desin brif lasen hengen, der gegeben ist noch gotis geburt dryczehin hundirt iar in dem sechs vnde achtzigisten iare an sente Lucien tage der heiligen iuncfrouwen.

Nach dem Orig. im K. Haupt-Staatsarchiv zu Dresden mit fünf Siegeln der genannten von Maltitz an Pergamentstreifen.

No. 701. 1386. 13. Dec.

B. Nicolaus bestätigt die vom Markgrafen Wilhelm bei der Domkirche gestiftete Vicarie des h. Georg u. and.

In nom. s. et ind. tr. feliciter amen. Nicolaus dei et apostolicae sedis gratia episcopus ecclesiae Misnensis — notum facimus — quod illustris princeps et dominus,